



Pumanaw na si dating Senate President Juan Ponce Enrile sa edad na 101.

Isa siya sa pinakamatagal na nagsilbi sa gobyerno ng Pilipinas, na may mahigit pitong dekada ng karera sa serbisyo publiko.

Si Enrile ay kilala bilang isang prominenteng legal at political figure na naging bahagi ng mga makasaysayang yugto ng bansa, mula sa Martial Law noong panahon ni dating Pang. Ferdinand E. Marcos Sr., hanggang sa EDSA People Power Revolution noong 1986 kung saan siya ay tumiwalag sa rehimeng Marcos.

Nagsilbi siya bilang kalihim ng katarungan, kalihim ng tanggulang pambansa, at ilang ulit na senador. Noong 2008, nahalal siya bilang Senate President at nanungkulan hanggang 2013.

Sa kabila ng kanyang edad, nanatili siyang aktibo sa politika at huling nanilbihan bilang Chief Presidential Legal Counsel sa administrasyong Bongbong Marcos.

Sa kanyang pagpanaw, nagwawakas ang isang makulay at kontrobersyal na kabanata sa kasaysayan ng pulitika ng Pilipinas.

Inaasahan ang paglalabas ng opisyal na pahayag mula sa kanyang pamilya at sa pamahalaan sa mga susunod na oras.

Political Career:

1954 – Nagsimula bilang Undersecretary of Finance sa ilalim ng administrasyong Magsaysay.

1966–1970 – Naging Secretary of Justice sa ilalim ni Pangulong Ferdinand Marcos.

1970–1986 – Itinalaga bilang Secretary of National Defense; naging pangunahing tagapagpatupad ng Martial Law.

1986 – Tumiwalag kay Marcos



at naging isa sa mga pangunahing personalidad sa EDSA People Power Revolution.

1987 – Nahalal bilang senador sa ilalim ng bagong konstitusyon ng 1987.

1995–2001 – Muling nahalal bilang senador.

2004–2016 – Nagsilbi muli sa Senado; naging Senate Presi-

dent mula 2008 hanggang 2013.

2013 – Nagbitiw bilang Senate President sa gitna ng kontrobersiya sa pork barrel scam.

2022 – Itinalaga bilang Chief Presidential Legal Counsel ni Pangulong Ferdinand “Bongbong” Marcos Jr.

Ang kumpirmasyon ay mula sa anak nitong si Katrina Ponce

Enrile sa post nito sa facebook account na may unang bahagi ng caption: “It is with profound love and gratitude that my father, Juan Ponce Enrile, peacefully returned to his Creator on November 13, 2025, at 4:21 p.m., surrounded by our family in the comfort of our home.” rci

Pakikiramay ni PBBM sa kanyang Legal Adviser Juan Ponce Enrile na pumanaw na



Nagpahayag ng pakikiramay si Pangulong Bongbong Marcos sa pagpanaw ni Juan Ponce Enrile, ang kanyang Chief Presidential Legal Counsel at dating Senate President, na pumanaw sa edad na 101 noong Nobyembre 13. Sa isang Facebook post, inilarawan ng Pangulo si Enrile bilang isa sa pinakamatagal at pinakarespetadong lingkod-bayan, na mahigit limang dekada nag-alay ng serbisyo at nagbigay-gabay sa bansa sa mahahalagang yugto ng kasaysayan. Pinuri rin niya ang patu-

loy na talas ng isipan ni Enrile sa kabila ng katandaan at ang kanyang paniniwala na ang batas at pamamahala ay dapat laging nakatuon sa kapakanan ng Filipino. Ayon kay Marcos, isang mahalagang kabanata ng kasaysayan ang nagsara sa kanyang pagpanaw, ngunit mananatili ang kanyang ambag at alaala.

Nagpasalamat din ang Pangulo sa habambuhay na paglilingkod ni Enrile sa bansang minahal niya. rci

GET OUT OF DEBT WITHOUT BANKRUPTCY

Deal directly with the **Licensed Debt Professionals™**
at **David Sklar & Associates**

We are licensed by the **Canadian government**
to file and administer programs that can
relieve your serious debt problem and
give you a **'fresh start'**

- ▶ **Get Out of Debt**
- ▶ **Stop Collection Calls**
- ▶ **Stop Interest Charges**
- ▶ **One Low Monthly Payment**
- ▶ **Without Bankruptcy**
- ▶ **Without Loans**



Cori Naron,
Certified Insolvency Counsellor (BIA),
Estate Administrator

For Your Free Consultation
Call (416) 498-9200 ext. 236

 **DAVID SKLAR & ASSOCIATES INC.**
Licensed Proposal Administrators & Licensed Insolvency Trustee

HEAD OFFICE: 245 FAIRVIEW MALL DRIVE, SUITE 720, TORONTO, ONTARIO, M2J 4T1
NORTH YORK ■ TORONTO ■ PICKERING / AJAX ■ MISSISSAUGA / ETOBICOKE ■ BRAMPTON

22% ng mga Pinoy, nakakaranas pa rin ng ‘involuntary hunger’—SWS



PILIPINAS - Mas maraming pamilyang Pilipino ang nakaranas ng gutom sa ikatlong kwarter ng 2025, ayon sa survey ng Social Weather Stations (SWS) na inilabas nitong Miyerkules, Nobyembre 5, 2025.

Batay sa resulta ng survey, 22% ng mga pamilyang Pilipino

ang nakaranas ng involuntary hunger—o ang pagkagutom at walang makain—sa loob ng ilang beses sa nakalipas na tatlong buwan.

Mas mataas ito ng 5.9 puntos kumpara sa 16.1% na naitala noong Hunyo 2025, na nagsilbing pagputol sa pagbaba ng

antas ng gutom na naobserbahan sa mga unang buwan ng taon.

Tumaas ang bilang ng mga nakaranas ng gutom sa lahat ng pangunahing rehiyon. Pinakamataas ang antas sa Metro Manila sa 25.7%, sinundan ng Balance Luzon sa 23.8%, Mindanao sa 19.7%, at Visayas sa

17.7%.

Isinagawa ang Third Quarter 2025 Social Weather Survey mula Setyembre 24 hanggang 30 sa pamamagitan ng face-to-face interviews sa 1,500 Pilipinong edad 18 pataas mula sa iba’t ibang panig ng bansa.

- **eBALITA**

APPLY TODAY - WORK TOMORROW!

We currently have openings for:

- GENERAL LABOUR
- PACKAGERS
- ORDER PICKERS / PACKERS
- MATERIAL HANDLERS
- SHIPPER / RECEIVERS
- CERTIFIED FORKLIFT OPERATORS

We offer the best pay rates in the industry, long and short-term assignments, tremendous full-time employment possibilities and access to some of Canada's top employers.

Applicants must have a great work ethic, a good command of the English language and safety shoes.





EXTRA PERSONNEL
Kipling at Taber
Between Wendys and Daisy Mart
2140 Kipling Avenue Unit 5
Toronto, ONT M9W 4K5.

7:00 a.m.-4:00 p.m.
Call our Filipino Recruiter
Alvin Rota
416-740-3959

Ipinangako sa budget mangangahulugan na mawawala ang 40K trabaho, mga programa

Sinabi ng pinuno ng federal public service na ang pangako ng budget na gumastos nang mas kaunti at mamuhunan nang higit pa ay magre-resulta sa pagkawala ng 40,000 na trabaho habang ang mga programa ay babawasan o tatanggalin.

Inilabas ni Michael Sabia, clerk ng Privy Council, ang pahayag na ito sa isang memo na ipinadala sa mga pederal na empleyado isang araw pagkatapos ihatid ng gobyerno ni Prime Minister Mark Carney ang kanilang unang budget.

Sinabi sa memo na ang



*Michael Sabia,
clerk ng Privy Council*

pangako ng gobyerno na tatanggalin ang \$60 bilyon sa susunod na limang taon ay isang big number at darating na may kaakibat na mga sakripisyo.

That number has real consequences for people who serve their country and for their families. I am not going to try to

diminish those consequences, aniya. They are real.

Ipinaliwanag ni Sabia na para maabot ang mga target ng gobyerno ni Carney kailangan bawasan ang ilang programa, ang iba naman magiging limitado ang scope at ang iba ay iba-

basura.

In all, the public service will need about 40,000 fewer people, including some reductions already underway, aniya.

Ang mga job cut na iyon ay magaganap lang kung papasa ang federal budget sa Parlamento ngayong buwan.

Sinabi ng clerk na sa oras na magsimula ang cuts, mabilis na gagawin ang mga desisyon upang maiwasan ang pagtagal ng uncertainty at ang mga apektado ng layoffs at mga early retirement ay susuportahan. **RCI**

"The Travel Partner You Can Trust!"

tico.ca

Polaris Travel & Tours



**Contact us for LOW AIRFARES
to the Philippines**

T. 416.224.9919 • 1.800.680.3849



Conveniently Located in Centerpoint Mall

**6322 Yonge Street, Unit 124, Toronto, Ontario M2M 3X4
Main Intersection: Yonge & Steeles**

NARARANASAN NA NATIN NGAYON ANG SNOW

TORONTO - Oras na para kunin ang toques at scarves, habang ang mga residente ng Greater Toronto Area (GTA) maaaring maranasan ang snow ngayong weekend, ayon sa forecasts ng Environment Canada.

Pini-predict ng national weather agency ang isang wet weekend na may freezing evening temperatures at potensyal na snowfall.

Minarkahan nito ang unang wave ng winter weather para sa timog Ontario, ani Trudy Kidd, isang meteorologist sa Environment Canada.

Do expect a wet one either way, aniya. Whether it's rain



or snow, it's going to be messy, so do expect that.

People in higher terrain will probably see more [snow], and farther from the lake you'll see more snow, aniya.

Kasalukuyang nasa forecast ng national weather

agency ang 30 porsyento na tsansa ng ulan o snow Sabado ng gabi na may low na -1 C sa Toronto.

The week ahead I'm seeing temperatures below 9 C every day and our overnight lows are below freezing. So we're certainly staying on the

cold side at least for the foreseeable future, ani Kidd.

Ang mga residente ng GTA ay pinapayuhan na bantayan ang anumang special weather alerts, habang nagbabago ang forecasts, ani Kidd.

Sinabi niya na dapat itsek ng mga tao ang weather forecast at mga kondisyon ng kalsada bago magbiyahe palabas ng kanilang lugar.

If you're driving around and doing longer distances, where you leave from and where you're going might have different weather, aniya. *rcl*

Bagyong 'Uwan' pamatay ang puwersa

PILIPINAS- Sa Proclamation No. 1077, layunin ng deklarasyon na mapadali ang mas mabilis at mas maayos na paghahatid ng humanitarian assistance ng gobyerno at pribadong sektor sa mga lugar na apektado ng bagyo.

Ang isang taong state of national calamity ay nagpapahintulot din sa agarang pagpapatupad ng mandatory remedial measures, tulad ng pagpataw ng price ceiling sa mga pangunahing bilihin; pagbibigay ng walang interes na pautang sa mga pinakaapektadong sektor; at sa problema ng



overpricing, profiteering o pag-iimbak ng mga mahahalagang produkto, gamot at produktong petrolyo.

Nagpapahintulot din ito sa national at local governments na gumamit ng naaangkop na mga pondo para sa

rescue, relief, recovery at rehabilitation programs, kabilang ang pagbibigay ng mga pangunahing serbisyo sa mga displaced na indibidwal at komunidad.

Inutusan din ang lahat ng kinauukulang ahensya na ipatupad ang post-disaster recovery measures upang maibalik ang normal at mapabuti ang mga pasilidad, kabuhayan at kondisyon ng pamumuhay sa mga komunidad na sinalanta ng kalamidad.

- Ulat **ABANTE** News



Taliba**Flipz**Media

Photography Services

Professional Product Photography – Food, Jewelry or just pictures of your store.

We can take pictures of your product for printed catalogs or for online store.

Each photo will be in pure white background and edited in photoshop.

• 100+ photos	\$20 per photo (with free Taliba 1/4B&W Ads one time issue)
• 50-90 photos	\$25 per photo
• 20-49 photos	\$30 per photo
• 10-19 photos	\$35 per photo
• 5-9 photos	\$40 per photo
• 2-4 photos	\$45 per photo

Photo Specifications

- High resolution jpeg image
- Photo editing to remove dust and minor defects
- Royalty-free unlimited use license

For inquiry, call Tel. **416-989-7336** / 647-287-1870 ★ Email: advertise@flipzmedia.com

A photograph showing a close-up of gold jewelry, including a bracelet and a ring, next to a small white bowl filled with fresh strawberries.

A photograph of a professional Nikon DSLR camera with a large lens, shown from a side-on perspective.

DATOL ORDER



Ulat ni Mon Datol

Juan Ponce Enrile pumanaw na; ES Bersamin resigns, Recto bagong Little President; PBBM isinasabit ni Co sa flood control scam; Lacson balik sa 'Blue Ribbon Committee'; Mark Villar, Sonny Angara, Grace Poe kaladkad sa infra scam; Cong Meow-meow inihabla ng 'inciting to rebellion'

Pumanaw na alas-4 ng hapon (Manila Time) noong November 14, sa edad na 101 ang bet-eranong pulitiko at 'Top Aide' ni Pangulong Bongbong Marcos, Jr. na dati ring Senate President Juan Ponce Enrile, ayon sa kanyang anak na si Katrina Ponce Enrile.

'Rest in Peace' at Paalam, Manong Johnny.

Boluntaryong nag-resign si Executive Secretary Lucas Bersamin at in-appoint ni PBBM si Finance Secretary Ralph Recto bilang bagong ES, Ayosssss ani mga kaibigan kong taga Batangas dahil...

Batanguenyo na ang Little President! Ala, eyh!

Nagbitiw din si Amenah Pangandaman bilang secretary of the Department of Budget and Management at si Frederick Go, Assistant to the

President for Investment and Economic Affairs, naman ang magiging bagong Boss ng DBM. Dahilan ng pagbibitiw ng Gabinete ni PBBM?

Delikadesa.

Mahigit kalahating milyon na ang bilang ng mga taong dumagsa sa Quirino Grandstand sa Luneta kahapon, Linggo, kaugnay ng kilos-protesta na inilunsad ng Iglesia Ni Cristo (INC) laban sa mga katiwaliang nabunyag sa gobyerno,

ayon sa PNP at...

Tahimik unang araw ng 3-araw na prayer rally, di protesta.

Mas mataas umaano ito kumpara sa humigit-kumulang 50,000 na nakiisa sa "Trillion Peso March" na ginanap kasabay ng ika-53 taong anibersaryo ng deklarasyon ng martial law noong Setyembre 21 na ginulo ng mga kabataang 'paid black-wearing' raliyista. Ani mga miyembro ng INC...

Sana di-pasukin ng 'bayarang gangsters' huling araw ng rally.

Sa inilabas na 3-part-video series nitong Biyernes, Nobyembre 14, sinabi ng nagtatagong dating Ako Bicol Party-list Rep. Elizaldy "Zaldy" Co na may P100 bilyong insertion order sa kaniya si PBBM para isingit nga sa 2025 national budget na itinawag sa kaniya ni Budget Sec. Mina Pangandaman.

Ha? Ganuon ka-dikit si Co ke PBBM? Talagang, ha?

Ilang litrato ng sangkaterbang maleta, yong iba me price tag

pa, yong ilan me yupi, ang inilabas ni Co sa Part 2 ng teleserye niya, na pinaglagyan DAW ng bilyones na cash na idinilibre niya at kasama sa bahay nina dating Speaker Martin Romualdez at PBBM at sa Malacanang mismo, at dugtong pa ng bilyonario si Co ay...

Wala siyang nanggap ni 'singkong-duling' sa 'kickback.'

Ayon kay PCO Usec. Atty. Claire Castro, pulos kasinungalingan at propaganda lamang ang mga paratang ni Co na may P100 bilyong insertion si PBBM sa 2025 national budget dahil bakit nga mag-uutos si Sec. Mina ng DBM na mag-insert ng 100 billion pesos na proyekto kung tatanggalin at ivereto ng Pangulo ang mga proyektong ito?

Oo nga, P194 Bilyon pinatanggal ni PBBM sa 2025 budget.

Idinawit nuong Biyernes sa Senate Blue Ribbon hearing ni dating DPWH Usec Roberto Bernardo sina dating Senador at current Education Sec. Sonny Angara na dating chair ng Senate Committee on Finance at ang dating kalihim ng DPWH

na si Sen. Mark Villar sa isyu ng suhulan sa mga infrastructure project ng gobyerno.

Parami na malalaking isda na damay sa kickbacks sa baha.

Kasama rin sa listahan ni Bernardo na tumanggap ng milyong pisong kickbacks sina

Senators Chiz Escudero, Jinggoy Estrada, Joel Villanueva, dating Senador Nancy Binay, Grace Poe, Bong Revilla, dating DPWH Sec. Manuel Bonuan, at...

Ilang Kongresmeyn na namuntok bulsikot sa kurakot.

Ipina-subpoena ng QC Prosecutor's Office si Cavite 4th District Rep. Francisco "Kiko"

Barzaga upang harap sa Nobyembre 18 at 25, 2025 alas-3 ng hapon, para sa preliminary investigation ng kasong inciting to sedition ang...

Isang taong-pusa, err, si Cong. 'Meow-Meow' nga pala.

Si Barzaga ay pinaharap sa Korte kaugnay ng reklamong paglabag sa Article 142 (inciting to sedition) at Article 138 (inciting to rebellion) ng Revised Penal Code na inihain ni Police Captain Aaron Blanco ng CIDG-MCIU ng PNP, dahil nakaka-sora na at...

Ayaw tumigil sa kangingiyaw ni Cong. Meow-Meow.

Muling nahalal si Senate President Pro Tempore Panfilo Lacson bilang chairman ng Senate Blue Ribbon Committee nitong November 11 ng walang tumutol sa mosyon ni Sen. Joseph Ejercito na ibalik si Ping Lacson sa puwesto. Sa mga susunod pang 'hearing...'

Wala ng lusot sina Jinggoy, Joel, 3 pang Sens. at ZCo.

Inimbitahan din sa Senate Blue Ribbon nuong November 14 ang 18 kongresista, kabilang si dating House speaker at Leyte Rep. Martin Romualdez sa pagpapatuloy ng imbestigasyon sa maanomalyang flood control projects, pero ayon kay House

Speaker Bodjie Dy ay merong ligal na dahilan para di sumipot mga Kongresmeyn, kaya't asahang...

Di pa rin dadalo si Sen. Bato na di alam kung saan nagtago.

Kahit daw si Sen. Imee Marcos, na pulos tsismis na lang yata sinasabi sa media lately, ay di raw attend sa Blue Ribbon hearing dahil uuwi na lang daw siya sa Ilocos Norte at ayaw raw niyang maki-sama sa gagawing 'scripted' na imbestigasyon ni Sen. Ping na kung saan hindi rin daw...

Darating si Cong. Romualdez na Insan ni Marites, err, Imee pala.



Wala ng lusot sina Jinggoy, Joel, 3 pang Sens. at ZCo.

Matatapos pa kaya ang mga drama nito?

Tiniyak ni PBBM na my makukulong na mga 'magnanakaw' sa pera ng bayan sa 'flood control scam' bago mag-Pasko bilang tugon sa tanong ng bayan kung bakit ang tagal ng iniimb-estigahan ang mga sangkot sa bilyong 'flood control scam' ay wala pang kinaka-suhan at ikinukulong hanggang ngayon. Ani PBBM...

Merong maka-kalaboso bago Mag-Pasko. Pramis.

Naghain umano ang kampo ni Senator Ronald "Bato" Dela Rosa ng TRO sa Korte Suprema para harangin ang pagdampot sa senador matapos ang pahayag ni Ombudsman Boying Remulla na may kopya umano siya ng arrest warrant mula sa ICC. Di ba handang samahan daw ni Bato 'Tay Digong nya

sa The Hague? Anyare at biglang...

Lumambot ang Bato ng Davao sa alaws pang arrest warrant?

Posibleng pagpaliwanagin ng Comelec si Senador Rodante Marcoleta kung bakit hindi niya inilagay sa kanyang Statement of Contribution and Expenditure (SOCE) ang ilang donasyong tinanggap niya nuong 2025 election, ayon kay Comelec Chair George Erwin Garcia.

Hala, delikading si Ka Dante makulong, ah!


Ayon kay Chair Garcia, ang sinumang kandidato na mahuling nagdeklara ng maling impormasyon sa SOCE ay maaaring humarap sa parusa tulad ng pagkakakulong mula isa hanggang

anim na taon, perjury, o falsification of public documents.

Kasama kaya sa parusa ang pag-ka-tanggal bilang Senador?

Target ni PBBM na mabawasan ng hanggang 60% ang pagbaha sa bansa pagsapit ng 2026 sa ilalim ng programang Oplan Kontra Baha ayon sa koordinasyon ng DPWH, MMDA, LGUs at maging ng malaking pribadong kumpanya tulad ng San Miguel Corporation (SMC), Metro Pacific Investments, Ayala Group, Aboitiz, Prime Infra at SM Group para matugunan ang problema sa baha lalo na sa Metro Manila.

Suportado pa talaga si PBBM ng mga Bilyonario sa bansa.



JOKES OnLEE

Ang LALAKE kapag nahuhuli sa kalokohan..**MAGAPAPALUSOT MUNA, tapos sumusuyo kaagad! Pero ang BABAE** kapag nahuli sa kalokohan, **NagGAGALIT-GALITAN muna tapos mamabaligtad!**

HINDI AKO TAMAD . . . SADYANG MASIPAG LANG AKONG MAGPAHINGA!

ANAK: Tatay, ang daming lamok
TATAY: PATAYIN MO ANG ILAW PARA HINDI TAYO MAKITA!
(pagkapatay ng ilaw LUMITAW ANG MGA ALITAPTAP)
ANAK: TATAY . . . BUMALIK SILA MAY DALANG FLASHLIGHT!

Masama magtanim ng galita sa kapwa. **Pero mas masamang magtanim ng BATA sa di mo siyota!**

Instead of a SIGN that says: **"DO NOT DISTURB"** I need one that says **"ALREADY DISTURB PROCEED WITH CAUTION"**

A gang decided to rob a bank...they opened every vault and found only cups of yogurt. So they ate it all...

Next day, in CNN news:

"BIGGEST SPERM BANK ROBBED!"

Use chocolate in a sentence...

CHOCO NA LATE AKO....

Roses are red, skies are blue,
Monkeys like you, should be kept in zoo. **Don't get angry... you'll find me their too...Not in the cage, but laughing at you.**

Teacher: Arnold, what do you call a person who keeps on talking even when people are no longer interested??
Arnold: A teacher!!!

How does Moses make his coffee? **Hebrews it.**

How many apples grow on a tree? **All of them!**

Why couldn't the bicycle stand up by itself? **It was two tired!**



Pilipinas isang taon state of calamity

Idineklara ni Pangulong Bongbong Marcos ang state of national calamity sa loob ng isang taon para mapabilis ang rescue, relief, recovery at rehabilitation efforts kasunod ng malawakang pinsalang dulot ng Bagyong Tino.

Sa Proclamation No. 1077, layunin ng deklarasyon na mapadali ang mas mabilis at mas maayos na paghahatid ng humanitarian assistance ng gobyerno at pribadong sektor sa mga lugar na apektado ng bagyo.

Ang isang taong state of national calamity ay nagpapahintulot din sa agarang pagpapatupad ng mandatory remedial measures, tulad ng pagpataw ng price ceiling sa mga pangunahing bilihin; pagbibigay ng walang interes na pautang sa mga pinakaapektadong sektor; at sa prob-

lema ng overpricing, profiteering o pag-iimbak ng mga mahahalagang produkto, gamot at produktong petrolyo.

Nagpapahintulot din ito sa national at local governments na gumamit ng naaangkop na mga pondo para sa rescue, relief, recovery at rehabilitation programs, kabilang ang pagbibigay ng mga panguna-

hing serbisyo sa mga displaced na indibidwal at komunidad.

Inutusan din ang lahat ng kinauukulang ahensya na ipatupad ang post-disaster recovery measures upang maibalik ang normal at

mapabuti ang mga pasilidad, kabuhayan at kondisyon ng pamumuhay sa mga komunidad na sinalanta ng kalamidad.

- Ulat ABANTE News



Taliba**Flipz**Media

Photography Services

Professional Product Photography – Food, Jewelry or just pictures of your store.

We can take pictures of your product for printed catalogs or for online store.

Each photo will be in pure white background and edited in photoshop.

• 100+ photos	\$20 per photo (with free Taliba 1/4B&W Ads one time issue)
• 50-90 photos	\$25 per photo
• 20-49 photos	\$30 per photo
• 10-19 photos	\$35 per photo
• 5-9 photos	\$40 per photo
• 2-4 photos	\$45 per photo

Photo Specifications

- High resolution jpeg image
- Photo editing to remove dust and minor defects
- Royalty-free unlimited use license

For inquiry, call Tel. 416-989-7336 / 647-287-1870 ★ Email: advertise@flipzmedia.com



JOKES OnLEE

A husband coming home from a confession, suddenly he lifted his wife and carried her.
Wife: *Why did the priest tell you to be romantic like this?*
Husband: *No, he told me to carry my cross!*

Wonder girls may say,
“I want nobody, nobody but you..”
Then, the boys will reply,
“I want your body, your body not YOU!!!”

True bravery is to arrive home.. fully drunk from late night out and mom waiting with a broom in hand, then you asked:
“Hey mom, still cleaning?”

Do you know the last thing my grandfather said to me before he kicked the bucket?
“Grandson, watch how far I can kick this bucket.”

What’s the difference between a poorly dressed man on a tricycle and a well-dressed man on a bicycle? **Attire!**

Why did the kid throw his clock out the window?
Because he wanted to see time fly.

Which bird has the worst manners? *Mocking birds.*

What do you get from a pampered cow?
Spoiled milk.

I can’t take my dog to the park because the ducks keep trying to bite him.
I guess that’s what I get for buying a pure bread dog.

What did the big flower say to the little flower?
Hi, bud!

How does NASA organize a party?
They planet.

COVID-19 vaccine campaigns inilunsad sa Canada para sa 2025-26



Sinimulang i-roll out ng mga probinsya at teritoryo ang updated na mga bakuna upang protektahan ang mga tao mula sa COVID-19.

Ayon sa immunization guide ng Public Health Agency of Canada ang mga COVID na bakuna ay nakitang epektibo sa pag-iwas sa malubhang karamdaman, kasama ang pagkakaospital at kamatayan at maaaring bawasan ang risk ng post-COVID-19 condition, o long COVID.

Ang vaccination campaign dumating habang ang mga kaso ng COVID-19 kung saan ang mga tao ay pumupunta sa emergency o urgent care para sa respiratory symptoms ay tumaas. Humigit-kumulang 10 porsyento ng tests ay positibo para sa linggo na natapos noong Setyembre 20, tumaas mula 9.6 porsyento noong linggo bago iyon, ayon sa federal respiratory virus snapshot.

Ano ang mga bakuna na available?

Ngayong taglagas, bini- gyan ng awtorisasyon ng Health Canada ang pinakabagong mRNA vaccines. Ang Moderna ay available para sa anim na buwang gulang pataas at ang Pfizer-BioNTech ay available para sa limang taong gulang pataas. Kinokonsidera ng infectious

disease physicians ang parehong bakuna na pantay.

Ano ang inirerekomenda ng vaccine advisers sa Canada?

Lahat ng matanda 65 pataas ay inirerekomenda na magpabakuna laban sa COVID-19, nabakunahan man sila dati o hindi, ayon sa National Advisory Committee on Immunization dahil sa kanilang increased risk.

Inirerekomenda rin ang bakuna para sa anim na buwan ang edad pataas na:

- Mga residente ng long-term care homes at iba pang group settings.

- Namumuhay na may underlying medical conditions na inilalagay sila sa mas mataas na panganib na magkaroon ng malalang COVID-19.

- Buntis.
- Mga indibidwal na nasa o mula sa First Nations, Inuit at Métis communities.
- Mga health-care worker at ibang care providers sa mga pasilidad at community settings.

- Mga miyembro ng racialized at ibang equity-denied communities.

Lahat ng tao anim na buwan ang edad pataas ay maaaring magpabakuna ng

ads@

TALIBA

it works!

www.talibaNews.com

Call 416-989-7336

Email: advertise@flipzmedia.com

updated COVID shot kung nais nila, kahit ang mga taong ito ay hindi naman high risk, ayon sa national advisory group.

Kailan dapat magpabakuna?

Ang Ontario sinimulan nang gawing available ang COVID na bakuna sa mga prayoridad na grupo tulad ng mga residente ng long-term care homes at ang ibang probinsya at teritoryo ito rin ang gagawin sa mga darating na linggo.

Ano ang mag-iiba ngayong taon?

Ang pinakahuling bakuna kasama ang LP.8.1, isang offshoot ng shape-shifting Omicron variant.

Ang updated vaccine works against the current strains that are circulating, ani Dr. Donald Vinh, isang infectious diseases specialist sa McGill University Health Centre.

If you receive this updated LP.8.1 dose, you actually will get [a] nice fourfold increase in the antibody levels compared to if you didn't get this vaccine.

Tinawag ni Vinh ang latest formulation ng mga bakuna bilang important buffer laban sa potensyal na pagka-kaospital at kahit kamatayan habang ang mga bagong strain ay umiikot at ang immunity mula sa dating impeksyon at mga bakuna ay humihina.

Magkano naman ito?

Para sa karamihan ng Canadians, ang COVID na bakuna ay libre.

May dalawang exceptions. Ang Alberta (bagong window) maniningil ng \$100, at ang Quebec (bagong window) \$150 hanggang \$180, para sa mga tao sa labas ng tinatawag ng mga probinsya na high-risk groups. - RCI

Kapag may sinasabi (si Jehova), hindi ba gagawin niya iyon?


— Bil. 23:19.



Mapapatibay natin ang pananampalataya natin kung pag-iisipan natin ang pantubos. Tinitiyak sa atin ng pantubos na matutupad ang mga pangako ng Diyos. Kung pag-iisipan natin kung bakit ito inilaan at kung gaano kalaki ang isinakripisyo ni Jehova, titibay ang pananam-palataya natin na tutuparin ng Diyos ang pangako niya na bu-

hay na walang hanggan. Bakit natin nasabi iyan? Gaano ba kalaki ang isinakripisyo ni Jehova para mailaan ang pantubos? Mula sa langit, isinugo ni Jehova sa lupa ang panganay at pinakamama-hal niyang Anak. Noong nasa lupa si Jesus, mara-mi siyang tiniis na problema at pagsubok. Nagdusa rin siya bago mamatay. Talagang napa-

kalaki ng isinakripisyo ni Jehova! Hahayaan ba ng ating magmahal na Diyos na magdusa at mamatay ang Anak niya kung maikling buhay lang naman ang ibibigay niya sa atin? Siyempre, hindi! (Juan 3:16; 1 Ped. 1:18, 19) Kaya sisiguraduhin ni Jehova na matutupad ang pangako niyang mabubuhay tayo magpakailanman sa bagong sanlibutan. **-JW.org**



NAKITANG NATUTUPAD



“Nakita” Nila ang mga Bagay na Ipinangako

MAY kakayahan tayong ilarawan sa isipan ang mga bagay na hindi natin naki-kita, at iyan ay isang regalo mula sa Diyos. Dahil sa ka-kayahang iyan, nakapagpa-plano tayo nang maayos at nananabik sa magagandang bagay na darating. Alam ni Jehova ang mangyayari sa hinaharap, at sinasabi niya sa atin ang ilan sa mga ito sa Bibliya. Maaari nating maila-rawan ang mga ito sa ating isipan. Sa katunayan, ang kakayahan nating “makita” ang mga bagay na di-naki-kita ay tumutulong sa atin na manampalataya.—2 Cor.

4:18.

Kung minsan, ang mga inilalarawan natin sa isipan ay hindi nakabatay sa realidad. Halimbawa, baka iniisip ng isang bata na nakasakay siya sa isang paruparo. Im-posibleng mangyari iyan. Pero si Hana, na ina ni Samuel, ay gumamit ng kaniyang imahinasyon sa ibang paraan. Lagi niyang iniisip ang araw kung kailan dadalhin niya sa tabernakulo si Samuel para maglingkod doon. Ang iniisip niyang ito ay nakabatay sa ipinasiya niyang gawin at nakatulong

para matupad niya ang kaniyang pangako kay Jehova. (1 Sam. 1:22) Kapag ang inilalarawan natin sa ating isipan ay mga pangako ng Diyos, mga bagay na tiyak na matutupad ang iniisip natin.—2 Ped. 1:19-21.

Tiyak na inilarawan ng maraming lingkod noon ng Diyos sa kanilang isipan ang mga pangako niya. Paano iyon nakatulong sa kanila? Paano tayo makikinabang kung bubulay-bulayin natin ang magagandang bagay na ipinangako ng Diyos sa masunuring mga tao?

“NAKITA” NILA ANG HINAHARAP AT TUMIBAY ANG PANANAMPALATAYA NILA

Si Abel ang unang taong nanampalataya sa mga pangako ni Jehova. Alam niya ang sinabi ni Jehova sa serpiyente matapos magkasala sina Adan at Eva: “Maglalagay ako ng alitan sa pagitan mo at ng babae at sa pagitan ng iyong binhi at ng kaniyang binhi. Siya ang susugat sa iyo sa ulo at ikaw ang susugat sa kaniya sa sakong.” (Gen. 3:14, 15) Hindi alam ni Abel kung paano ito

eksaktong matutupad. Pero malamang na pinag-isipan niyang mabuti ang pangakong ito at naunawaang kailangang may 'sugatan sa sakong' para maibalik sa kasakdalan ang mga tao. Anuman ang nakini-kinita ni Abel tungkol sa hinaharap, nanampalataya siya batay sa pangako ng Diyos. Kaya naman nang maghain siya, tinanggap ito ni Jehova.—Basahin ang Genesis 4:3-5; Hebreo 11:4.

Ang tapat na si Enoc ay nanampalataya rin sa Diyos. Namuhay siya sa gitna ng di-makadiyos na mga taong nagsasalita ng nakapangingilabot na mga bagay laban sa Diyos. Kinasihan siyang ihula na si Jehova ay darating "kasama ang kaniyang laksa-laksang banal, upang maglapat ng hatol laban sa lahat, at upang hatulan ang lahat ng di-makadiyos may kinalaman sa lahat ng kanilang di-makadiyos na mga gawa na kanilang ginawa sa di-makadiyos na paraan, at may kinalaman sa lahat ng nakapangingilabot na mga bagay na sinalita ng di-makadiyos na mga makasalanang laban sa kaniya." (Jud. 14, 15) Bilang isa na nanampalataya, maaaring inilarawan ni Enoc sa kaniyang isipan ang mangyayari kapag wala nang di-makadiyos na mga tao sa daigdig.—Basahin ang Hebreo 11:5, 6.

Nakaligtas si Noe sa Delubyo dahil sa pananampalataya niya. (Heb. 11:7) Pagkatapos, dahil sa pananampalataya, naghandog siya ng mga hayop. (Gen. 8:20) Gaya ni Abel, tiyak na nanampalataya rin siya na darating ang panahon na ang mga tao ay mapalalaya mula sa pagkaalipin sa kasalanang at kamatayan. Pagkatapos ng Baha, patuloy na nanampalataya at umasa si Noe kahit noong muling sumamâ ang daigdig at sina-

lansang ni Nimrod si Jehova. (Gen. 10:8-12) Malamang na binulay-bulay ni Noe ang panahon kung kailan ang mga tao ay mapalalaya mula sa mapaniil na tagapamahala, minanang kasalanang, at kamatayan. Puwede rin nating "makita" ang napakagandang panahong iyon, na napakalapit na!—Roma 6:23.

"NAKITA" NILANG NATUPAD ANG MGA PANGAKO

Isang napakagandang kinabukasan ang maaaring nakini-kinita nina Abraham, Isaac, at Jacob. Ipinangako ng Diyos na sa pamamagitan ng kanilang binhi, ang lahat ng bansa sa lupa ay magkakamit ng pagpapala. (Gen. 22:18; 26:4; 28:14) Ang mga inapo ng mga patriyarkang iyon ay darami at maninirahan sa Lupang Pangako na ibibigay ng Diyos. (Gen. 15:5-7) Sa pamamagitan ng pananampalataya, "nakita" nina Abraham, Isaac, at Jacob na naninirahan na sa lupaing iyon ang kanilang mga supling. Ang totoo, mula pa noong maiwala ng tao ang kasakdalan, tiniyak na ni Jehova sa kaniyang tapat na mga lingkod na maisasauli ang mga pagpapalang naiwala ni Adan.

Malamang na dahil nailarawan ni Abraham sa kaniyang isipan ang ipinangako ng Diyos kaya nakagawa siya ng kamangha-manghang mga bagay na nagpapakita ng pananampalataya. Tungkol kay Abraham at sa iba pang tapat na lingkod ng Diyos, sinasabi ng Kasulatan na kahit "hindi nila nakamtan ang katuparan ng mga pangako" noong buhay pa sila, "nakita nila ang mga iyon mula sa malayo at malugod na inasahan ang mga iyon." (Basahin ang Hebreo 11:8-13.) Alam ni Abraham na laging tinutupad ni Jehova ang kaniyang mga ipinangako, kaya nakatitiyak

siya na matutupad ang lahat ng pangako ni Jehova para sa hinaharap.

Dahil nanampalataya si Abraham sa mga pangako ng Diyos, lalo siyang naging determinado na gawin ang kalooban ng Diyos. Iniwan niya ang lunsod ng Ur at hindi siya nanirahan nang permanente sa alinmang lunsod ng Canaan. Tulad ng Ur, hindi matibay ang pundasyon ng mga lunsod na iyon dahil sa di-makadiyos na mga tagapamahala. (Jos. 24:2) Buong-buhay na hinintay ni Abraham "ang lunsod na may tunay na mga pundasyon, na ang tagapagtayo at maygawa ng lunsod na ito ay ang Diyos." (Heb. 11:10) "Nakita" ni Abraham na naninirahan na siya sa isang permanenteng lugar na pinamamahalaan ni Jehova. Sina Abel, Enoc, Noe, Abraham, at iba pa ay naniwala sa pagkabuhay-muli ng mga patay at nanabik na mabuhay sa isang daigdig sa ilalim ng Kaharian ng Diyos, "ang lunsod na may tunay na mga pundasyon." Ang pagbululay-bulay sa gayong mga pagpapala ay nagpalakas ng kanilang pananampalataya kay Jehova.—Basahin ang Hebreo 11:15, 16.

Isaalang-alang natin ang asawa ni Abraham na si Sara. Sa edad na 90, wala pa rin siyang anak. Pero dahil sa positibong pananaw niya sa hinaharap, naipakita niya ang kaniyang pananampalataya. Maaaring nakini-kinita niyang tinatamasa ng kaniyang mga supling ang mga pagpapalang ipinangako ni Jehova. (Heb. 11:11, 12) Bakit gayon na lang siya kasigurado? Dahil sinabi ni Jehova sa kaniyang asawa: "Pagpapalain ko siya at bibigyan din kita ng isang anak na lalaki mula sa kaniya; at pagpapalain ko siya at siya ay magiging mga bansa; mga hari ng mga bayan ang magmumula sa

kaniya." (Gen. 17:16) Nang isilang ni Sara si Isaac, lalo siyang naging kumbinsido na matutupad ang iba pang pangako ni Jehova kay Abraham. Mapatitibay rin natin ang ating pananampalataya kapag inilalarawan natin sa ating isipan ang mga pangako ni Jehova na siguradong matutupad!

TUMINGING MABUTI SA GANTIMPALA

Si Moises ay nanampalataya rin kay Jehova. Malalim ang naging pag-ibig niya sa Diyos. Dahil lumaki sa Ehipto bilang prinsipe, puwede sanang inibig niya ang kapangyarihan at kayamanan. Pero maliwanag na mula sa kaniyang tunay na mga magulang, nakilala ni Moises si Jehova. Nalaman niya na layunin ni Jehova na palayain ang mga Hebreo sa pagkaalipin at ibigay sa kanila ang Lupang Pangako. (Gen. 13:14, 15; Ex. 2:5-10) Kung laging iniisip noon ni Moises ang mga pangako ng Diyos, ano sa tingin mo ang lalago sa puso niya—pag-ibig sa katanyagan o pag-ibig kay Jehova?

Sinasabi ng Bibliya: "Sa pananampalataya si Moises, nang malaki na, ay tumanggi na tawaging anak ng anak na babae ni Paraon, na pinili pang mapagmalupitan kasama ng bayan ng Diyos kaysa sa magtamo ng pansamantalang kasiyahan sa kasalanang, sapagkat itinuring niya ang kadustaan ni Kristo bilang kayamanan na nakahihigit kaysa sa mga kayamanan ng Ehipto; sapagkat tumingin siyang mabuti sa gantimpalang kabayaran."—Heb. 11:24-26.

Habang binubulay-bulay ni Moises ang pangako ni Jehova para sa mga Israelita, lumalago ang pananampalataya at pag-ibig niya sa Diyos. Tulad ng iba pang lingkod ng Diyos, malamang na naunawaan niyang palalayain ni Jehova



Nakikita mo bang nasa bagong sanlibu- tan ka na?

ang lahat ng tao mula sa kamatayan. (Job 14:14, 15; Heb. 11:17-19) Kaya naman lalong inibig ni Moises ang Diyos. Pananampalataya at pag-ibig ang nagpakilos sa kaniya na paglingkuran habambuhay si Jehova. (Deut. 6:4, 5) Kahit noong pagbantaan ni Paraon ang buhay ni Moises, ang pananampalataya at pag-ibig niya sa Diyos, at ang malamang na nakini-kinita niyang magandang kinabukasan ang nagpalakas ng loob niya.—Ex. 10:28, 29.

ILARAWAN SA ISIPAN ANG MGA GAGAWIN NG KAHARIAN

Marami sa ngayon ang nag-iisip o nangangarap ng mga bagay na di-makatotohanan. Halimbawa, nangangarap ang ilang mahihirap na sana'y yumaman sila at mawala ang lahat ng kanilang problema. Pero sinasabi ng Bibliya na ang buhay ng

tao ay punô ng “kabagabagan at nakasasakit na mga bagay.” (Awit 90:10) Iniisip ng iba na malulutas ng gobyerno ng tao ang mga problema sa daigdig, samantalang sinasabi ng Bibliya na ang Kaharian ng Diyos lang ang makagagawa nito. (Dan. 2:44) Para sa marami, hindi pupuksain ng Diyos ang masamang sistemang ito, pero hindi ganiyan ang sinasabi ng Bibliya. (Zef. 1:18; 1 Juan 2:15-17) Ang mga inaasahang ito ng mga taong hindi nagbibigay-pansin sa layunin ni Jehova para sa hinaharap ay mananatiling pangarap lang.


Sa kabilang dako naman, pinasisigla tayong mga Kristiyano na ilarawan sa isipan ang ating pagasa, sa langit man ito o sa lupa. Nakikita mo bang tinatamasa mo ang mga pangako ng Diyos? Kapag binubulay-bulay mo ang

mga puwede mong gawin habang tinutupad ng Diyos ang kaniyang mga pangako, tiyak na sasaya ka. Baka “nakikita” mong nabubuhay ka na nang walang hanggan at nakikipagtulungan sa iba para gawing paraiso ang buong lupa. Ang lahat ng tao sa paligid mo ay umiibig din kay Jehova. Malusog ka, masigla, at walang kaproble-problema. Masayang-masaya ka dahil ang mga nangangasiwa sa gawaing pagsasauli ay tunay na nagmamalasakit sa iyo. Nagagamit mo rin ang iyong talento at kakayahan para sa kapakanan ng iba at sa kapurihan ng Diyos. Baka tinutulungan mo ang mga binuhay-muli na makilala si Jehova. (Juan 17:3; Gawa 24:15) Hindi iyan pangarap lang. Lahat ng iyan ay nakabatay sa katotohanang sinasabi ng Bibliya tungkol sa hinaharap.—Isa. 11:9; 25:8; 33:24; 35:5-7; 65:22.

BAKIT DAPAT NATING

IPAKIPAG-USAP ANG ATING PAG-ASA?

Kapag ipinakikipag-usap natin sa ating mga kapatid ang mga gusto nating gawin habang tinutupad ni Jehova ang kaniyang mga pangako, mas tumitingkad sa ating isipan ang larawan ng magandang hinaharap. Hindi natin alam kung ano ang magiging kalagayan ng bawat isa sa atin sa bagong sanlibutan. Pero kapag pinag-uusapan natin ang mga puwedeng mangyari, napatitibay natin ang isa't isa at naipapahayag ang ating pananampalataya sa katuparan ng pangako ng Diyos. Nang dalawin ni apostol Pablo ang kaniyang mga kapananampalataya sa Roma, tiyak na napahalagahan nila nang husto ang “pagpapalitan ng pampatibay-loob,” at ganiyan din tayo sa mahirap na panahong ito.—Roma 1:11, 12.



Kapag iniisip natin ang kinabukasang ipinangako ni Jehova, natutulungan tayo nito na huwag masyadong mag-alala sa kasalukuyang mga problema. Maaaring nag-aalala noon si apostol Pedro nang sabihin niya kay Jesus: “Narito! Iniwan na namin ang lahat ng mga bagay at sumunod sa iyo; ano nga ba talaga ang may-roon para sa amin?” Para matulungan si Pedro at ang iba pang alagad na mailarawan sa isipan ang hinaharap, sinabi ni Jesus: “Katotohanang sinasabi ko sa inyo, sa muling-paglalang, kapag ang Anak ng tao ay umupo sa kaniyang maluwalhating trono, kayo na sumunod sa akin ay uupo rin mismo sa labindalawang trono, na hahatol sa labindalawang tribo ng Israel. At ang bawat isa na nag-iwan ng mga bahay o mga kapa-

tid na lalaki o mga kapatid na babae o ama o ina o mga anak o mga lupain alang-alang sa aking pangalan ay tatanggap ng lalong marami pa at magmamana ng buhay na walang hanggan.” (Mat. 19:27-29) Sa tulong nito, mabubulay-bulay ni Pedro at ng iba pang alagad ang magiging papel nila sa gobyernong mamamahala sa lupa at magdadala ng saganang pagpapala sa masunuring mga tao.

Nakatutulong sa mga lingkod ni Jehova ang pagbubulay-bulay sa katuparan ng mga pangako niya. May sapat na kaalaman si Abel tungkol sa mga layunin ng Diyos kaya nakini-kinita niya ang isang magandang hinaharap, nanampalataya siya, at naniwala sa isang tunay na pag-asa. Naging matibay ang pananampalataya ni

Abraham dahil “nakita” niya ang tungkol sa katuparan ng hula ng Diyos may kinalaman sa ipinangakong “binhi.” (Gen. 3:15) Si Moises ay ‘tuminging mabuti sa gantimpalang kabayaran,’ kaya naman kumilos siya nang may pananampalataya at lumago ang pag-ibig niya kay Jehova. (Heb. 11:26)

Kapag ginagamit natin ang ating kakayahang ilarawan sa isipan ang katuparan ng mga pangako ni Jehova, lalago rin ang ating pananampalataya at pag-ibig sa Diyos. Sa susunod na artikulo, tatalakayin kung paano pa natin magagamit ang kakayahang iyan.

Alam mo ba?

Hindi nakikisali ang mga Saksi ni Jehova sa politika, pero ipinagpapasalamat at nirerespeto namin ang mga ginagawa ng gobyerno. (Roma 13:1; 1 Timoteo 2:1, 2) Para sa iba pang impormasyon, bisitahin ang **JW.org** Basahin ang **“Bakit Neutral sa Politika ang mga Saksi ni Jehova?”**



KAGANDAHAN NG KALIKASAN



Taliba**Flipz**Media

Photography Services

Professional Product Photography – Food, Jewelry or just pictures of your store.

We can take pictures of your product for printed catalogs or for online store.

Each photo will be in pure white background and edited in photoshop.

- 100+ photos \$20 per photo (with free Taliba 1/4B&W Ads one time issue)
- 50-90 photos \$25 per photo
- 20-49 photos \$30 per photo
- 10-19 photos \$35 per photo
- 5-9 photos \$40 per photo
- 2-4 photos \$45 per photo

Photo Specifications

- High resolution jpeg image
- Photo editing to remove dust and minor defects
- Royalty-free unlimited use license



For inquiry, call Tel. **416-989-7336** / 647-287-1870 ★ Email: advertise@flipzmedia.com